

二經合卷

此号十卷

行

菩薩內習六波羅蜜經

菩薩餌虎起塔因緣經

菩薩內習六波羅蜜經

後漢沙門嚴佛調譯

佛言欲學菩薩道者當從此始謂一數二隨

三止四觀五還六淨

佛言一數爲檀波羅蜜數息者神得上天爲布施身中神自致得須陀洹斯陀含阿那含阿羅漢辟支佛得作佛是爲內檀波羅蜜爲布施得度

佛言二相隨爲尸波羅蜜意與心相隨俱出入不邪念意不轉爲不犯道禁是爲內尸波羅蜜爲不犯道禁得度

佛言六淨爲般若波羅蜜知人萬物皆當消滅意不淨向生死愛欲斷心淨潔智慧成就是爲內摩訶般若波羅蜜從黠慧得度

問曰何等爲檀何等爲般若何等爲波羅蜜逮何等禪何等爲尸何等爲羼提何等惟

佛言三止爲羼提波羅蜜意欲離怒瞋恚能忍不爲口欲甘肥美味身欲得細滑自制意能忍不受是爲內羼提波羅蜜爲忍辱得度佛言四明觀爲惟逮波羅蜜內觀三身體外

觀萬物皆當壞敗無有常存不復貪心向道爲精進得度

佛言五還爲禪波羅蜜斷六入還五陰何謂六入色入眼爲衰聲入耳爲衰香入鼻爲衰味入口爲衰細滑入身爲衰多念令心衰是

爲六入亦爲六衰亦爲五陰

何謂五陰色陰痛痒陰思想陰生殊陰識陰是爲五陰還身守淨斷求念空是爲內禪波羅蜜而守一得度

佛言六淨爲般若波羅蜜知人萬物皆當消滅意不淨向生死愛欲斷心淨潔智慧成就是爲內摩訶般若波羅蜜從黠慧得度

問曰何等爲檀何等爲般若何等爲波羅蜜逮何等禪何等爲尸何等爲羼提何等惟

佛言檀爲布施尸爲持戒羼提爲忍辱惟逮爲精進禪爲棄惡般若爲黠慧波羅爲從生死得度密爲無極是爲六波羅蜜

問曰何以故正有六波羅蜜

佛言若人有姪怒瞋恚愚癡故行布施爲除惡貪持戒爲除姪怒忍辱爲除瞋恚精進爲除懈怠一心爲除亂意智慧爲除愚癡用欲去六事故作是六波羅蜜

佛言人有六匿賊盜斷惡故作檀波羅蜜主

行一

制身刀波羅蜜主制眼羣提波羅蜜主制耳惟逮波羅蜜主制鼻禪波羅蜜主制口般若波羅蜜主制意

問曰何以故身應檀波羅蜜

佛言人索頭與頭索眼與眼索肉與肉投身

餓虎是爲布施故屬檀波羅蜜

問曰何以故眼應尸波羅蜜

佛言眼不隨色意不亂念是爲持戒故屬尸

波羅蜜

問曰何以故耳應羣提波羅蜜

佛言耳聞惡聲不瞋恚是爲忍辱故屬羣提

波羅蜜

問曰何以故鼻應惟逮波羅蜜

佛言鼻知息出入常守不離是爲精進故屬惟逮波羅蜜

問曰何以故口應禪波羅蜜  
佛言口不罵詈不兩舌不妄言不綺語是爲寂然故屬禪波羅蜜

問曰何以故意應般若波羅蜜

佛語阿難汝曹爲道常當曉了知定諸垢濁穢清淨自然不起不滅悉斷諸根諸根斷已不得復生

爲道者當發平等廣度一切施立法橋當令一切得入法門廣作唱導無端無底無形無

行二

聲無邊無際無上無下立教當施本無之中持法當使如來求道當在於心心意不正道亦不生立行當於本無之中垢濁以除內外清淨從淨見明以致自然已現是空之淨淨而復淨空而復空空無所有是乃爲道道之本無無所倚著上無所攀下無所據左無所

牽右無所持自然而立清淨爲本空空之空  
故曰泥洹於有而無所有故爲有於無而不  
無是爲無於得而無所得是爲得也

第一發意菩薩 第二持地菩薩  
第三應行菩薩 第四生貴菩薩  
第五修成菩薩 第六行登菩薩

第七不退轉菩薩 第八童真菩薩  
第九了生菩薩 第十補處菩薩

菩薩內習六波羅蜜經